

Schnitzelbank Gruppe 3 2009

Dass soo'ne Biogasaalag au Dräck und G'schtank mit sich hett, das weiss ä jede, wo scho'mol si eige Dräck verbrennt hett. Us Alex`s Aalag aber züngle fini Flämmli, O, gopferglemmi – will dä als Sühneopfer s'Pfingschtlich Heilig Geischt Mais jetz verbrenni.

Dr Strom wird tüüerer, au dr Zucker, s'Brot und d'Milch zum z'Morge.
Do hei vom Bundesrot und Fachlüt mir eus loh berote.
Di'e hei im Radio gseit – hei siis au g'hört – und vilicht scho vergässe -
mä söll dr Gugelhopf nur ufgo lo – denn ohni z'bachte frässe.

Dr Erni rüeft: Im G'meinrot hets Lakaie wi'e bim Kadaffi.
Dr Bruno s'Handtuech wirft, chunt nüm, sufft jetz dahei dr Kaffi.
Bedänkt d'Wort vom Couchepin vor dä Pfadichinder:
Au isch bin – wenn swar Bundesrot – au nur ein Faadfinder.

Herr Doktr Thomas Zillig, d'Arbet los, wi'e isch denn so um si g'schee?
Sit däm si AHV bezi'en – het mä im Dorf si fascht no ni'e gsee.
Mir hätte do ä chline Job – nid zahlt – um Gottes Sääge:
Si chönte Pfarrers Hulda Chalb - all Tag ä chli go pfläge.

Uf em Schnäggehügel gits mit Turm und Rutschi jetz ä Spielplatz
Mir findes nid – doch d'Chinder mega super, geil und glatt.
D'Altersheimbewohner mit Rollator proteshti'ere, es isch nüd zum Lache,
Me lot ni zue, dass sie mit irne Chischte d'ört au d'örfe Renne mache.

D'Tante Emma isch vor velle Johr verändertet,
sit denn Chaltbrunn gseesch – in Frohsinn-Migros Uznach pändle.

Hei ä Kiosk zwar übercho, mit Heftli, Bäbi, Lümpli,
Spielzügautohuupe,
wenn numme au dä Seich für öppis chöntisch bruuche.

D'Schänner Gmeindsverwaltig schickt es Mail an alli Bürger,
Dr Erich Jud fällt uus – zwäcks Nüchterig – isch deshalb kei
Betrüger.

Em Markus Schwizer jagd das grausam Angscht in siini
Chnoche,

Är mailt: Rotskollege – ab jetzt wird an dr Sitzig nur no Red Bull
gsoffe.

Wägem Vogel Brach het mä im Linthgebi'et all Papple
g'schlachtet.

Jetzt heissts - die Fenster auf, es chunt der Silberschwanz bi
eus cho übernachtete.

Au d'Bruggmühli isch bertei, me het si total use g'mischtet,
damit dört s'erschi Storchepaar – cha friidlich go go nischte.

Ä Inleinskeiterhalle lot dr Gmeinrot sich ifalle,

und dra dr Steiner Beda für di'e Garasch wacker zahle.

D'Skeiter dörfe, wo bi Wind und Räge uskotzt ummeschwärme,
am Steiner sine Uspuffabgas, gratis d'Pfote wärme.